

UDHËZIM
Nr.9, datë 3.7.2007

**PËR USHTRIMIN E VEPRIMTARISË SË SHITBLERJES, NDËRMJETËSIMIT, TË
AUTORIPARIMIT, PËR MJETET RRUGORE ME MOTOR DHE RIMORKIOT E TYRE,
TË AUTORIZUARA NGA PRODHUESI**

Në mbështetje të pikës 4 të nenit 102 të Kushtetutës së Republikës së Shqipërisë dhe të ligjit nr.9573, datë 3.7.2006 “Për autoriparimin, shitblerjen, depozitimin e mjeteve rrugore me motor, të rimorkiove dhe pjesëve të tyre të dala jashtë përdorimit ose të braktisura dhe për veprimtaritë që lidhen me to”,

UDHËZOJ:

Neni 1

1. Subjektet juridike, për të ushtruar veprimtarinë e shitblerjes, ndërmjetësimit, të autoriparimit, për mjetet rrugore me motor dhe rimorkiot e tyre, të autorizuar nga prodhuesi, duhet të disponojnë:

I. Pajisjet:

- Gropë riparimi ose pajisje ngritëse (mekanike, hidraulike ose elektrike), sipas standardeve teknike;

- Elektrokompresor;

- Pajisje për kontrollin e parametrave elektrikë, të ndezjes dhe të sistemit të ushqimit;

- Pajisje për kontrollin e gjeometrisë dhe të konvergencës së gomave;

- Pajisje për kontrollin e presionit të fryrjes së gomave;

- Pajisje për çmontimin dhe montimin e gomave;

- Kompjutera;

- Pajisjet e mbrojtjes nga zjarri;

- Kutinë e ndihmës së shpejtë.

II. Instrumentet:

- Llamba portative me transformator 220/24 – 36 volt;

- Diagnostikues për kontrollin e parametrave të punës së motorit;

- Vegla matëse e të kontrollit, për profesionet motorist, xhenerik, elektroauto etj.;

- Instrument për matjen e thellësisë së luleve të gomave;

- Vegla për heqjen dhe vendosjen e gomave etj.

III. Ambientet:

- Tetoja me sipërfaqe të mbyllura, me ndriçimin e duhur dhe instalimet e nevojshme, elektrike dhe të ajrit;

- Vend qëndrimi për mjetet që do të shiten;

- Vend qëndrimi për mjetet që do të riparohen;

- Zyrë për punë administrative;

- Nyje hidrosanitare.

2. Subjektet juridike, që të pajisen me leje për të ushtruar veprimtarinë e shitblerjes, ndërmjetësimit, të autoriparimit, për mjetet rrugore me motor dhe rimorkiot e tyre, të autorizuar nga prodhuesi, duhet të plotësojnë kushtet dhe procedurat si më poshtë vijon:

- Kërkesë, nga drejtuesi ligjor, për pajisjen me leje për të ushtruar veprimtarinë e shitblerjes, ndërmjetësimit, të autoriparimit, për mjetet rrugore me motor dhe rimorkiot e tyre, të autorizuar nga prodhuesi, ku të përcaktohen emri i subjektit, i drejtuesit ligjor dhe i përgjegjësit teknik, përmban dhe vetëdeklarimin për:

- gjendjen e tij në lidhje me organet e prokurorisë dhe të gjykatës;

- njohjen dhe zbatimin e legjislacionin dhe të rregullave në fuqi;

- dërgim informacioni periodik, për veprimtarinë e shoqërisë etj.;

- informacion në lidhje me pajisjet, instrumentet dhe ambientet e nevojshme që subjekti disponon, në lidhje me fushën e veprimtarisë ku kërkohet të licencohet;

sipas formatit të hartuar nga Drejtoria e Licencimit dhe formularit tip të Ministrisë së Ekonomisë, Tregtisë dhe Energjetikës (bashkëlidhur). Gjithashtu kërkesa shoqërohet me:

- kopje të noterizuara të vendimit të regjistrimit në gjykatë;
- kopje të dëshmisë së aftësisë profesionale të përgjegjësit teknik;
- kontratë midis drejtuesit ligjor dhe përgjegjësit teknik, e hartuar përpara noterit, me afat të përcaktuar mbi 1 (një) vit;
- vetëdeklarim të përgjegjësit teknik, për gjendjen e tij në lidhje me organet e prokurorisë dhe të gjykatës, në lidhje me fushën e veprimtarisë ku kërkohet të merret leja nga subjekti, për gjendjen e tij në lidhje me punësimin si përgjegjës teknik në shoqëri të tjera dhe të qenit apo jo në marrëdhënie pune me shtetin;
- kontratë me prodhuesin, me afat të përcaktuar mbi 1 (një) vit, për shitblerjen, ndërmjetësimin, autoriparimin, e mjeteve rrugore me motor dhe rimorkiove të tyre, të legalizuar, sipas legjislacionit në fuqi.

3. DPSHTRR-ja, përpara dhënies së lejes nga Ministria, për veprimtarinë që kërkohet të ushtrohet nga subjekti, në vijim të kërkesës së subjektit, me komision, verifikon plotësimin e kushteve të përcaktuara në pikën 1 të këtij neni, dhe kur plotësohen të gjitha kushtet e përcaktuara, lëshon një vërtetim për subjektin. Vërtetimi dorëzohet në Ministri nga subjekti, së bashku me dokumentacionin e kërkuar.

Neni 2

Tarifat e licencimit janë:

- Për leje njëvjeçare, për subjektet juridike, për të ushtruar veprimtarinë e shitblerjes, ndërmjetësimin, të autoriparimit, për mjetet rrugore me motor dhe rimorkiot e tyre, të autorizuar nga prodhuesi, është 20 000 (njëzet mijë) lekë.
- Për leje mbi një vit, kur kërkohet nga subjekti, është e barabartë me vleftën, që del nga shumëzimi i tarifës njëvjeçare (20 000 lekë) me numrin e viteve që kërkohet leja.

Neni 3

Përpara marrjes së lejes së veprimtarisë, subjektet duhet të ngurtësojnë dhe të dorëzojnë në Ministri vlerën e garancisë prej 500 000 (pesëqind mijë) lekë.

Neni 4

1. Përgjegjësi teknik, për të marrë dëshminë e aftësisë profesionale, duhet të ketë njohuritë e domosdoshme mbi:

- ligjin nr.9573, datë 3.7.2006 “Për autoriparimin, shitblerjen, depozitimin e mjeteve rrugore me motor, të rimorkiove dhe pjesëve të tyre të dala jashtë përdorimit ose të braktisura dhe për veprimtaritë që lidhen me to”;
- udhëzimin “Për ushtrimin e veprimtarisë së shitblerjes, ndërmjetësimin, të autoriparimit, për mjetet rrugore me motor dhe rimorkiot e tyre, të autorizuar nga prodhuesi”, e Ministrit të Punëve Publike, Transportit dhe Telekomunikacionit;
- përgatitjen tekniko-profesionale, për veprimtarinë e riparimit dhe të mirëmbajtjes së pjesëve mekanike dhe të motorit, karrocërisë, pjesëve elektrike, gomave, blerjes dhe shitjes, të mjeteve rrugore me motor dhe rimorkiove, dhe të pjesëve të ndërrimit të tyre;
- rregullat e sigurimit teknik në punë;
- rregullat e mbrojtjes nga zjarri.

2. DPSHTRR-ja organizon kurse kualifikimi, sipas programeve të miratuara nga Ministria, për ngritjen e nivelit tekniko-profesional të përgjegjësve teknikë dhe të punonjësve të tjerë të subjekteve, që ushtrojnë veprimtarinë e shitblerjes, ndërmjetësimin, të autoriparimit, për mjetet rrugore me motor dhe rimorkiot e tyre, të autorizuar nga prodhuesi.

3. Përgjegjësi teknik, për t’u pajisur me “Dëshmi aftësie profesionale”, duhet të paraqesë në DPSHTRR:

- kërkesë për pajisje me “Dëshmi aftësie profesionale”, ku të përcaktohet veprimtaria e shitblerjes, ndërmjetësimin, të autoriparimit, për mjetet rrugore me motor dhe rimorkiot e tyre, të autorizuar nga prodhuesi, si dhe veprimtaria e tij që ka kryer, nga marrja e diplomës, në formën e CV-së;
- kopje të noterizuara të diplomës;
- certifikatë personale me fotografi;

- dokumentacion teknik justifikues (original ose kopje të noterizuara) për çka është përshkruar si veprimtari e kryer në CV; vërtetime nga subjekte, institucione apo organizma, certifikata kursi apo specializimi, që kanë lidhje me fushën e veprimtarisë së shitblerjes, ndërmjetësimit, të autoriparimit, për mjetet rrugore me motor dhe rimorkiot e tyre etj.;

- vetëdeklarim i personit, në lidhje me gjendjen e tij me organin e gjykatës, që nuk është dënuar me vendim të formës së prerë për vepra penale të kryera në ushtrimin e veprimtarive të përmendura në pikën 2 të nenit 3 të ligjit nr.9573, datë 3.7.2006;

- vërtetim nga organi shëndetësor përkatës, brenda juridiksionit ku banon, për aftësitë fizike, për të kryer veprimtarinë e shitblerjes, ndërmjetësimit, të autoriparimit, për mjetet rrugore me motor dhe rimorkiot e tyre.

4. Përgjegjësi teknik pajiset me "Dëshmi aftësie profesionale" nga Drejtoria e Përgjithshme e Shërbimeve të Transportit Rrugor, pasi të ketë kaluar provimin për nivelin e njohurive, për veprimtarinë e shitblerjes, ndërmjetësimit, të autoriparimit, për mjetet rrugore me motor dhe rimorkiot e tyre, të autorizuar nga prodhuesi, të përcaktuara në pikën 1 të këtij neni.

Neni 5

1. Modelet e regjistrave janë bashkëlidhur këtij udhëzimi dhe janë pjesë përbërëse e tij.
2. Plotësimi i regjistrave duhet të bëhet i plotë, me saktësi dhe në mënyrë të rregullt kronologjike.
3. Ruajtja e regjistrave në arkivë duhet të bëhet sipas rregullave të arkivave.

Neni 6

1. Të gjitha subjektet që pajisen me leje veprimtarie sipas këtij udhëzimi, para fillimit të aktivitetit të përcaktuar në lejen e veprimtarisë:
 - duhet të bëjnë ndryshimet në vendimin e gjykatës, për veprimtarinë e licencuar;
 - duhet të bëjnë ndryshimet në organin tatimor, për veprimtarinë e licencuar;
 - duhet të dorëzojnë në Ministri dokumentet e ndryshuara, të gjykatës dhe të organit tatimor.
2. Ministria nuk do të bëjë rinovimin e lejes së veprimtarisë, në rast se nga subjekti nuk është bërë depozitimi i ndryshimeve të përmendura në pikën 1 të këtij neni.

Neni 7

1. MPPTT-ja, brenda 30 ditëve nga depozitimi i kërkesës, u lëshon lejet për veprimtarinë që kërkohet, subjekteve që plotësojnë të gjitha kërkesat e këtij udhëzimi.
2. MPPTT-ja, brenda 30 ditëve nga depozitimi i kërkesës, u kthen përgjigje subjekteve që nuk plotësojnë të gjitha kërkesat e këtij udhëzimi.
3. Në rastet kur MPPTT-ja nuk kthen përgjigje brenda 30 ditëve nga depozitimi i kërkesës, leja e kërkuar nga subjektet konsiderohet e miratuar dhe subjektit i lind e drejta të fillojë veprimtarinë.

Neni 8

Ky udhëzim hyn në fuqi pas botimit në Fletoren Zyrtare.

MINISTRI I PUNËVE PUBLIKE, TRANSPORTIT
DHE TELEKOMUNIKACIONIT
Sokol Olldashi

Përgatitur nga Ministria e Ekonomisë, Tregtisë dhe Energjetikës

Datë, më _____._____._____

FORMULARI TIP I AUTODEKLARIMIT

AUTODEKLARIM

Drejtoria e Përgjithshme Rregullatore
Drejtoria e Licencimit
T i r a n ë

Pjesa e parë (do të përmbajë gjeneralitetet e përgjithshme)

Unë i nënshkruari _____, deklaroj që jam banues në adresë _____, me seli _____, tel.: _____, cel.: _____ dhe me dokument identifikimi/nr. i pasaportës _____.

Deklaroj që jam regjistruar në organet tatimore me nr. NIPT-i _____, me vendim gjykatë nr. _____, nuk jam në proces falimentimi, nuk jam në proces hetimi dhe as në proces gjyqësor. Nuk kam asnjë detyrim financiar (ndaj të tretëve) Drejtoria e Përgjithshme të Taksave dhe Tatimeve (për subjektet juridike).

Deklaroj që njoh dhe zbatoj ligjin nr.9573, datë 3.7.2006 “Për autoriparimin, shitblerjen, depozitimin e mjeteve rrugore me motor, të rimorkiove dhe pjesëve të tyre të dala jashtë përdorimit ose të braktisura dhe për veprimtaritë që lidhen me to”.

Pjesa e dytë (informacion i përgjithshëm lidhur me aktivitetin që ka kryer më parë subjekti, me pyetje alternative)

1. Keni licencë të mëparshme _____ PO / JO

Nëse po, specifikoni fushën _____

2.

Pjesa e tretë (përgjegjësia e vetë subjektit në rast se ai nuk ka zbatuar apo ka dhënë informacion jo të saktë, atëherë do të përballlet me ligjin në fuqi për raportim jo të saktë të të dhënave)

Deklaroj

Që të gjitha të dhënat e mësipërme janë të vërteta dhe në përputhje me legjislacionin në fuqi.



REPUBLIKA E SHQIPËRISË
MINISTRIA E PUNËVE PUBLIKE, TRANSPORTIT DHE
TELEKOMUNIKACIONIT
DREJTORIA E PËRGJITHSHME RREGULLATORE
DREJTORIA E LICENCIMIT

L E J E

Nr. _____ datë ____/____/____

PËR

**USHTRIMIN E VEPRIMTARISË SË SHITBLERJES, NDËRMJETËSIMIT, TË
AUTORIPARIMIT PËR MJETET RRUGORE ME MOTOR DHE RIMORKIOT E TYRE, TË
AUTORIZUARA NGA PRODHUESI _____**

Në mbështetje të pikës 1 të nenit 29 të ligjit nr.9573, datë 3.7.2006 “Për autoriparimin, shitblerjen, depozitimin e mjeteve rrugore me motor, të rimorkiove dhe pjesëve të tyre të dala jashtë përdorimit ose të braktisura dhe për veprimtaritë që lidhen me to”, Ministri i Punëve Publike, Transportit dhe Telekomunikacionit, lëshon këtë leje.

I LËSHOHET:

- Subjektit juridik: _____

- Administrator: _____

- Me seli në: _____

Leja është e vlefshme deri në datën ____/____/____.

(Emri, mbiemri)
M I N I S T E R

MODELI I REGJISTRIT PËR NDËRMJETËSIMIN NË SHITBLERJEN E MJETEVE

[illegible]

Shënim: Regjistri duhet të plotësohet në mënyrë të saktë, kronologjikut dhe pa gabime. Të dhënat për origjinën e mjeteve dhe/ose rimorkjove shënohen në çastin e marrjes në ngarkim. Të dhënat për shitjen ose heqjen shënohen në çastin e shitjes ose heqjes së tyre.

MODELI I RREGJISTRIT PER NDËRMJETËSIMIN NË SHITBLERJEN E MJETEVE

[illegible]

Shënim: Rregjistri duhet të plotësohet në mënyrë të saktë, kronologjikisht dhe pa gabime. Të dhënat për origjinën e mjeteve dhe/ose rimorkjove shënohen në çastin e marrjes në ngarkim. Të dhënat për shitjen ose heqjen shënohen në çastin e shitjes ose heqjes së tyre.

MODELI I RREGJISTRIT PER SHITBLERJET E PJESËVE TË KËMBIMIT TË MJETEVE

[illegible]

